



**Auctarium. Sive Additiones Ad Viri Clarissimi Henr. Zoesii  
J.V.D. Universum Jus Canonicum**

**Geismar, Justus Moritz von  
Coloniæ Agrippinæ, 1691**

Ad tit. XXXIV. de voto & voti redempt.

---

[urn:nbn:de:hbz:466:1-62259](#)

## AD TIT. XXXIV.

*De Voto & votis redemptione.*

**A**d num. 1. in fine adde. Dices: Vota sunt etiam Sanctis; ergo non tantum DEO? Resp. 1. Fiunt DEO, sed in honorem Sanctorum, sicut extratio templi. Resp. 2. Si direte sunt Sanctis, non esse propriè votum, sed promissionem sacram elicitam ex virtute Dulie. Unde votum DEO, B. Virgini & Sanctis factum explicat Suarez coram B. Virgine & Sanctis, ut refert Laym. t. 4. tr. 4 c. 1. n. 6.

*Ad num. 9. in fine adde.* Objicies enim, 11. Filiorum familias vota habent conditionem, si pater consenserit; ergo etiam Religiosorum, si Superior dispensaverit. *Re.* Disparit esse, quod Religiosi sint magis obstricti, quam filii. Vel potius: quia dispensatio est contra jus, non etiam consensus parentis.

*Ad n. 14. in fine adde.* Exempla prioris membra. Vovisti ædificare Ecclesiam, si sis pauper, non teneris ad partem. Audire Sacrum, orare horam, Jejunium unius diei, peregrinari in cilio, si peregrinari nequeas, non teneris ad cilio. Exempla posterioris. Vovisti mille, teneris ad partem. Jejunium per aliquot dies. Perpetuam Virginitatem, licet forniceris, adhuc durat votum, nisi tantum vovisses claustrum virginitatis integrum DEO servare. Jejunium in pane & aqua, si prævaricatus biberis vinum, adhuc teneris illud servare, & non nisi panem comedere.

*Ad num. 16. in fine adde. Exempla.* Malum ex objecto v.g. furtum, ob circumstantiam v.g. peregrinari die Festo, ne audiat Sacrum, die jejuniū. ne sit opus jejunare, ex fine. Ubi distingendum, quod alias sit finis rei per votum promissio, aliis sit finis voventis. Prior virtut, habet enim se ex parte objecti, posterior non, quia tenet se tantum ex parte voventis, ipsa verba materia & substantia voti integra relinquuntur, v.g. voveo eleemosynam ad vanam gloriam captandam, votum nullum est: qui autem coram aliis vanæ gloria causâ votavit, obligatus est, item si votavit fieri Carthusianus ex inordinato piscium appetitu. Item si ex due lo evaserit, si ex fornicatione vel adulterio prolem conceperit, vel non conceperit: quia hi fines tenent se tantum ex parte voventis.

*Ad num. 17. in fine adde. Exempla* a & cum indifferentium. Non comedendi die Sabbathi in honorem B. Virginis, non comedendi carnes assas in Festo S. Laurentii, nisi ob propensionem per modum mortificationis, quis id faceret. Idem est, si finis tantum sit indifferentis, v.g. jejunare ut sumptibus parcas. Aliud est, si voveas, ut à DEO rem temporalem impetres.

*Ad num. 21. in fine adde.* Duo vota si sunt in impossibilita v.g. vovit quis se hac die peregrinaturum, & postea votavit se eadem die infirmis inservitum, si posterius melius sit, tum prævaleret, alia semper servandum est prius.

*Ad num. 26. in fine adde.* Ad votum non sufficit voluntas indirecta in causa sua, sufficit tamen voluntas virtualiter permanens.

permanens in suo effectu. Exemplum prioris : scio me ebrium homines occidere, si me ineberiem & occidam, teneor; si vero sciam me vovere, & sic voveam, non teneor. Quia ad votum intrinsecè requiritur directa se obligandi voluntas. Fortè quia bonum non nisi ex integra causa, malum ex quolibet defectu. Exemplum postea ioris v. g. volo vovere, & postea, dum voveo, distractus sum.

Si quis pronus ad vota, voveat se nunquam velle vovere sine consilio Confessarii, votum validum est. Quod si autem postea sine illo voveat, peccat, votum tamen adhuc tenet, quia adhuc habet objectum bonum, nisi in primo voto apposuisset clause irritantem, tunc posterius non valebit, nisi illa voluntas tempore voti, vel expressè vel virtute retractetur. v. g. Si memor sui prioris voti nihilominus voveat : quia hoc casu priorē voluntatem retractat.

*Ad num. 45. in fine adde.* Effectus voti est inducere obligationem, quam Laym. hoc tract. ait non esse ex justitia propriæ dictam, sed ex virtute Religionis, quæ est potentialis pars justitiae.

Quæritur. An opus sit magis meritorium ex voto quam sine? Respondeo affirm. Quia provenit ex virtute Religionis, quæ est omnium nobilissima. 2. Quia qui ex voto operatur, non tantum opus, sed & facultatem operandi DEO consecrat, & sic dat cum fructu ipsam arborem. 3. Qui mente obstinata peccat, Ergo à contratio. 4. Si contra votum operetur, gravius peccat, ergo si cum illo operetur, plus meretur. Idem lib. 4. tract. 4. cap. 4.

*Ad num. 53. in fine adde.* Regula : Transgressio voti non obligat ad compensationem, quia violatio promissionis Dñi. Ofacta tantum obligat ad penitentiam : Quia DEO nulla utilitas decedit, quæ restituiri possit. Aliud est in promissione homini facta; Haic enim compensare debeo damnum illatum dict. tract. c. 6. n. 4. Unde si vovi Religionem, si intra annum non fornicher, licet dolo fornicari ad evitandum votum, probabile est me non teneri. Primo, non ratione conditionis impletæ, quia impleta non est. Secundo, non ratione peccati commissi, uti dictum, ergo.

*Ad num. 55. in fine adde.* Cessante causâ finali cessat votum. v. g. vovisti pro impetranda valetudine filii, si moriatur, cessat votum.

*Ad num. 68. in fine adde.* Ecclesia annullare potest vota etiam in conscientia. Dices: Ecclesia non habet jurisdictionem super actus mere internos; ergo nec vota mere interna infirmaret. Distinguitur antecedens, quoad jurisdictionem contentiosam & punitive concedo, quoad aliam, quæ proxime ad salutem animas tendit, nego. d. 11. c. 7. n. 2.

Utrum voti irritandi potestate praeditus postquam consenserit, possit adhuc votum ante executionem irritare. Respondeatur affirm. Si gubernativam in illum potestatem obtineat, quia talis potestatem etiam post consensum adhuc retinet d. c. 7. n. 14. A fortiori successor ejus id facere potest. Aliud est si hominibus qui hoc modo promissum sit, vult enim conservatio pacie

cis talia pacta servari. DEUS autem in vicis superioribus id non exigit. Di-  
stum si potestatem gubernativam ha-  
beat. Unde si vir approbativè consen-  
tit, ut uxor votum continentiae edat,  
id revocare nequit, quia quoad usum  
conjugii vir hanc potestatem non ha-  
bet. Idem est è contra. Item si uxor  
marito licentiam dei votandi peregrina-  
tionem; Creditor debitori ut vo-  
teat eleemosynam non revocant.

Ab votum non petendi debitum te-  
neat. Resp. Si maritus id faciat, uxori a-  
liquando irritare potest, quia ipsa ob-  
vere cuadam petere forte non audet.  
Uxor maritus nō potest, quia non est  
obligata petere, nisi sorte tale votum  
discordia causa sit.

Votum continentiae utriusque con-  
sensu editum absolute valer, ut rescin-  
di nequeat c. quod DEO 33. q. 5.

Quæritur utrum superior peccet, si  
vota subditorū sine justa causa infirmet  
i. Laym. a. 7. n. 18. & putat esse veniale,  
eo quod abutatur potestate suā, quam-  
vis alii nullum esse dicant. A fortiori  
peccabit si lemel consenserit, & sine ju-  
sta causa revocaverit, quod tamen et-  
iam per se loquendo ait tantum veniale.

Quæritur utrum v. ea legitime re-  
scissa reviviscant cessante subjectione?  
Resp. 1. Vota Religiosi impuberis pla-  
nè irritantur, eo quod Prelatus, Pater,  
tutor, &c. directam habeant potesta-  
tem in ipsam voluntatem voentium.  
2. Vota puberis Religiosi &c. ante sub-  
jectionem emissi v. g. Uxorante nup-  
tias, licet postea fuerint infirmata, dis-  
soluis nuptiis reviviscunt. Utrum re-  
viviscant quæ tempore subjectionis

emissa, irritata sunt? Placet Layman.  
Affirm. Arg. ex cap. placet 12. de convers.  
conjugat.

*Ad num. 74. in fine adde.* Differt  
dispensatio & irritatio i. Quod in illo  
casu requiratur jurisdictio, in hoc a-  
liud jus in personas obligatas. 2. Illa sine  
causa sit illicita & invalida, quia est in  
jure DEI, irritatio adhuc tenet: quia  
superior votum subditi resciadess  
proprium jus & proprietatem exercet.  
3. Si votum à Prelato superiore confir-  
matum, non potest inferior Prelatus  
illud irritare, potest tamen ex justa cau-  
sa dispensare, si alias jus dispensandi  
habeat, quia per confirmationem ex-  
trahitur quidem à potestate dominati-  
va inferioris, sed non à jurisdictione  
voluntatis.

Observandum vota aliqua reservari  
esse similia, sed re ipsa reservata non  
esse v. g. Votum castitatis ad certum  
tempus. Votum castitatis conjugalis,  
nisi auctoritate Pontificia annexum sit  
ordini militari, non petendi debitum;  
non nubendi; non fornicandi. Ratio  
quia reservationes strictissimè inter-  
pretandæ sunt, ut reservatio tantum  
explicetur de voto castitatis perpetuæ  
simpliciter dicto. Sic quoque Religionis  
reservatum est, non tamen suscipiendi  
sacros Ordines nec ingrediendi stri-  
ctiorum, ut liceat adhuc ingredi minus  
strictam: ut profensus ad laxiorem pos-  
sit. Item non est reservatum v. tum pa-  
nale v. g. si fornicatus fuero, v. vero Re-  
ligione v. vel conditionatum, si con-  
valuero, vovo Religionem, antequam  
convalescam, qui ubi convalucero, est  
absolutum & reservatum.

G

Dices:

Dices: in pœnali post peccatum non sit absolutum, ergo neque in conditio-  
nali. Dispensitas est, quia in conditiona-  
li vœvens tendit per se in rem promis-  
sam tanquam bonam sub conditione:  
in pœnali vero tendit per se in illam  
tanquam pœnam, adeoque malam &  
afflictivam, quam maller evitare, quæm  
incurrere. Unde si vœveat Religionem  
tanquam pœnam medecinalem, tunc  
post peccatum commissum, etiam tale  
erit Papæ reservatum. Aliud est, si mu-  
lier dicat, si nuptiæ hæc non successer-  
int, vœveo Religionem; Episcopus  
potest. Ita Layman sentit. Quia vide-  
tur mulier hoc votum ex nimio affectu  
facere. Item votum metu injusto, id  
est insufficienti extortum, si enim esset  
sufficiens, esset nullum. Item votum  
alternativum, cuius pars altera reser-  
vata non est, licet postea altera pars  
non reservata fiat impossibilis, nisi vo-  
vens se ad reservatam specialiter deter-  
minet. Item si Pontifex reservatum in  
aliud commutârit, poterit super hoc  
dispensare Episcopus. Dices: surroga-  
tū sapit naturam ejus, in cuius locum  
surrogatum est. Resp. Quoad intrinse-  
ca conc. quoad extrinseca, neg. Item si  
dubium sit de valore voti, quod tamen  
per se non liberat.

Dispensatio in reservatis tempore  
necessitatis ab Episcopo facta, non ex-  
tendit se amplius, quæm necessitas po-  
stulat. v. g. In voto continentia, ut  
matrimonium inire possint peccabunt  
adhuc contra votum, si extra matrimo-  
nium fornicentur. Potest autem Epis-  
copus dispensare tali casu, liceat Lega-  
tus Apostolicus sit in Provincia, quia

hic non habet plius juris, quæm Episco-  
pus, nisi Legatus specielem commissio-  
nem dispensandi in Casibus reservatis  
a Papa habeat.

Vota commutari possunt in melius,  
nisi sint summo Pontifici reservata.  
Quia hoc casu & ipse sibi commuta-  
tionem reservavit; nisi quis in votum  
Religionis illa commutare velit. c. Scrip-  
tura de vot. Unde illa tempore Novi-  
tatus suspensa manent.

Observandum. Cui concessa est fa-  
cultas dispensandi, ei etiam censemur  
concessa facultas commutandi juxta  
reg. 55. de reg. iur. in 6. quæ locum habet,  
quando minus subordinatur majori,  
seu in eo continetur tanquam imperfe-  
ctum in perfect. ut hic. Sicut etiam in  
testamento & Codicillis.

Quando dicitur in votis realibus  
debere fieri dispensationem sine præ-  
judicio tertii, quod præjudicium est si  
is per acceptancem jam proprium jus  
habeat.

Post factam commutationem voti  
est in arbitrio vœventis vel prius, vel  
posteriori facere: quia hæc in favorem  
ejus f. & a. est. Quod si tamen posteriori  
fiat impossibile, jam omnimodè libera-  
tur: quia obligatio nulla est; nam in  
priori casu tantum id facere potest, si  
velit, non tamen tenetur.

Quæres, si quis in saeculo vœvet vo-  
to simplici se ingressum arctiorem  
Religionem, potest in justâ conscién-  
tiâ laxiorem proficeri, & in ea perma-  
nere i. R. spondet Franc. de Arauxo  
tratt. 1. q. 7. Q. od profitendo quidem  
peccet, postea tamen ad prioris voti ad-  
implectionem non teneatur. Est senten-  
tia

# IN H. ZOESII JUS CANONICUM.

cia D. Thomæ 22. q. 86. art. 8. Ratio quia votum simplex, quo quis obstrin gitur minori Religioni, est fortius quam votum simplex quo quis adtrin gitur majori Religioni. Post votum etiam simplex matrimonium contra cum non dirimitur, sicut post solenne. Probatur etiam per cap. qui post votum. De Regularibus dices: Post votum simplex initum matrimonium non extinguit obligationem voti simplicis, sed tantum suspendit, quamdiu duravit matrimonium, quia adhuc votu m implere potest. Ergo & hic non tollitur obligatio quia votum implere potest ingrediendo Religionem arctiorem. Respondet, matrimonium suspedit, Professio extinguit. Quia licet vobis & per matrimonium & per Professionem se alteri tradat, id tamen sit diversimodè. Nam Religiosus se tradit Religioni & Deo tanquam immortalibus, ac nunquam potituris, proinde jus supra illum & immortale & nunquam petiturum. Coniux autem se tradit alteri ut homini mortali ac perituro, cuius proinde jus supra comparem est mortale ac caducum, & durans duntaxat usque ad mortem exclusivè.

Item ex eodem observa, quod hoc votum: polliceor me in hac Religione permansurum, non æquipolleat ei; polliceor me nunquam suscepturnum aliam Religionem arctiorem; quia posterius est nullum utpote impeditivum majoris boni.

Dices: Vota sunt juris naturalis Divini ergo Pontifex dispensare non potest. Respondent aliqui Papam propriè non dispensare, sed declarare tantum

ob circumstantias graves hinc non obligare. Resp. 2. Non intervenire hic ullam dispensationem? nam intervenit tantum remissio partis, cui facta est promissio. DEUS enim per suum Vicarium remittit seu condonat jus sibi ex promissione acquisitum. Sicut Contractus Jurisgentium & naturæ resolvitur, si pars jus suum remittat. San nius. Tom. 3. de LL. dist. 1. q. 4. n. 10.

Ad num. 76. in fin. addo. Observa quod Innocençii prædecessor Cœlestinus III. dispensaverit in voto solenni castitatis cum Constantia filia Rogerii Regis Sanctimoniali in Panormo, ut nuberet, prout nupsit Henrico VI. ex quibus natus fuit Federicus II. Imperator. Ita refert Franc. de Arauxo tract. 1. q. 6. n. 19. ex Cajetano & Medina, cuius ignarus esse non potuit Iuno centius.

Item dispensatum fuit cum Ramiro Monacho benedictino, ut nuberet, & Regnum Aragonia acciperet gubernandum ex urgenti causa boni communis. Idem, tract. 2. q. 19. n. 40. & rationem adferit etiam hanc n. 45. Super voto paupertatis solenni dispensatur, quoties Monachus assumitur ad Episcopatum, qui acquirit verū dominium reddituum quoad portionem, quæ ipsi obtingit, quamvis aliqui antecedens negent. Ad objectionem quod Consecratio & benedictio auferri nequeat. Respondet n. 55, ex Cajetano. Quando est constitutiva, utpote eas res constitutiva benedictas formaliter & completive reddens illas ad unum sacram usum destinatas, atque ad alios inhabiles, ut est Calicis, Episcopi, Sa cero-

cerdos. Et contendit, quod auferri nequeat eodem subiecto manente. Quando autem est tantum *invocationis*, utpote per quam invocatur DEUS, ut eisdem rebus utentibus operari ferat, ut benedictio ciborum, armorum &c. Quia res ad alios usus profanos adhuc habiles manent, & negat, subjungitq; Et talis est benedictio Monachi, si quam recipit in sua Professione.

Obiic. Res uni tradita non potest alteri tradi; atqui per Professionem est traditus DEO; ergo. Resp. Dist. Maj. invito Domino Conc. Hic autem Deus invitatus non est, sed propter utilitatem publicam consentit. Et sic Papa etiam dispensare potest in aliquo Diuino jure, vel naturali ob causam ex quādam potestate delegata, quam ei Christus juris Diuini & naturalis Author relquist, ne Ecclesia sua deficeret in necessariis. Sed quā illa? Regulam dat à posteriori illam, in quibus Pontifex aliquando dispensavit, Potest; in quibus autem nunquam, videtur non posse. Item à priori: in illis, in quibus hanc potestatem à Christo accepit. Accepit autem in iis, in quibus consultitur bono regimini Ecclesiæ absque scandalo & morum Christiani populi corruptela, ut sit in votis. Secūs in matrimonio consummato, polygamia &c. in quibus corruptela sequeretur, occasio ad luxurias, perverteretur liberorum educationem. Ita ut in his nullum, quamvis communis & publicum, bonum præponderare valeat.

Dices: Omnis ponderatio non est digna continentis animæ Eccl. 16. Ergo non datur causa justa. Et alias dam-

naremus factum D. Matthei, qui noluit dispensare cum Iphigenia, quæ virginitatem voyerat ut nuberet Hiraco Regi, qui promittebat scilicet & suos co mediante matrimonio fidem suscepuros. Respondeo, fonsunditas carnis non præponderat, sed bonum commune præponderat continentia Monachi. D. Matthæus potuit, sed noluit, tum quia id non promiserat Rex, tum quia Iphigeniam noluit à proposito suo divertere. Et fuit tantum votum simplex, in quo omnes admittunt dispensari posse Id. n. 61. Resicitationē, quia solennitas est de jure humano; quia inquit aliud est solennitatem professionis dependere à statuto Ecclesie ut à conditione præsupposta seu remota; aliud est illam esse formaliter de statuto Ecclesie. Sic contractus matrimonii est juris naturalis, & de jure Divino Sacramentum inter personas habiles initum, supposito statuto Tridentini, quae sint persona habiles, nimurum, illa, quæ cōtrahunt coram Parochio &c. Sic contractus emptionis est juris naturalis, ut res venales emantur justo pretio, supposito statuto, quod taxat justa rerum pretia. Sic & solennitas Professionis, & traditio, quā vovēs dominium sui transfert in Deum & Religionem, est de jure Divino & naturali, dependenter tamen à statuto Pontificis approbatis eam Religionem & acceptantis illam, tanquam de numero approbaratum. Inde per consequens tenet, si heret Dispensatio sine justa causa, eam non tantum fore illicitam, sed etiam invalidam, & matrimonium nullum, sive bonâ sive malâ fide ineatur.

AD